



Gmejska nowina Ralbicy - Róžant



36. lětnik / 8.wudaće
**Hamtske łopjeno
mały rózł 2025
05.02.2025**

www.ralbitz-rosenthal.de
gemeinde@ralbitz-rosenthal.de



Foto: Rafael Ledźbor

Patorżicu předstajichu džěci wosady hodownu hru w Ralbičan cyrkwi, kotruž běchu z pomocu dorosćenych nazwučowali.



Wobzamknjenja gmejskeje rady gmejny Ralbiczy-Róžant

Na posedženju gmejskeje rady dnja 23.01.2025 su so scěhowace wobzamknjenja schwalili:

Wobzamknjenje čo. 01-01/2025

Wobzamknjenje k přepodaću nadawkow za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach – lós 18 – rjedženje (kónčne rjedženje)

Wobzamknjenje čo. 02-01/2025

Wobzamknjenje k dodatnemu přinoškej za twarske wukony čo. 01 „wyše kóšty přez přidatne džěla za narunanski twar asfaltoweje woršty Křižerskeho puća w Konjecach“

Wobzamknjenje čo. 03-01/2025

Wobzamknjenje k předložanju kreditow – wotběh danjoweho wjazanja

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada móžny.

Hubertus Ryčer, wjesnjanosta



Wobzamknjenje techniskeho wuběrka gmejny Ralbiczy-Róžant

Na posedženju techniskeho wuběrka dnja 23.01.2025 je so scěhowace wobzamknjenje schwalilo:

1. Stejišćo k saněrowanju a změnje wužiwanja něhdy ratarsce wužiwaneho twarjenja k priwatnje wužiwanym rumnosćam na ležownosći 2/46 w Sernjanach

Přichodne posedženje gmejskeje rady gmejny Ralbiczy-Róžant wotměje so štwórtk, dnja 13.02.2025 we 18.30 hodž. na gmejnskim zarjedže w Róžeńće. Dnjowy porjad so přez městne wuwěški wozjewi.

Přichodna zhromadźizna techniskeho wuběrka wotměje so štwórtk, dnja 13.02.2025 we 18.00 hodž. na gmejnskim zarjedže w Róžeńće. Dnjowy porjad so přez městne wuwěški wozjewi.

<p>Rěčne hodžiny gmejskeho zarjada w Róžeńće:</p> <p>wutoru a štwórtk: 14.00–18.00 hodž.</p> <p>Rěčne hodžiny wjesnjanosty:</p> <p>štwórtk: 15.00–18.00 hodž. po dorěčenju</p>	<p><u>Nuzowe čisla</u></p> <table border="1"> <tr><td>milina</td><td>Sachsen Netz GmbH 0351/50178881</td></tr> <tr><td>woda</td><td>Ewag Kamenz 03578/377377</td></tr> <tr><td>płun</td><td>EVSE Wittichenau 035725/7410</td></tr> <tr><td>wopłóčki</td><td>WAZV Lausitz 03578/377377</td></tr> <tr><td>policija</td><td>110</td></tr> <tr><td>nuzowy lékař / wohnjowa wobora</td><td>112</td></tr> <tr><td>Zarjad. zwjazk »Při Klößterskej wodže«</td><td>035796/9460</td></tr> </table>	milina	Sachsen Netz GmbH 0351/50178881	woda	Ewag Kamenz 03578/377377	płun	EVSE Wittichenau 035725/7410	wopłóčki	WAZV Lausitz 03578/377377	policija	110	nuzowy lékař / wohnjowa wobora	112	Zarjad. zwjazk »Při Klößterskej wodže«	035796/9460
milina	Sachsen Netz GmbH 0351/50178881														
woda	Ewag Kamenz 03578/377377														
płun	EVSE Wittichenau 035725/7410														
wopłóčki	WAZV Lausitz 03578/377377														
policija	110														
nuzowy lékař / wohnjowa wobora	112														
Zarjad. zwjazk »Při Klößterskej wodže«	035796/9460														
<p>IMPRESUM – Gmejska nowina gmejny Ralbiczy-Róžant zamołowity: wjesnjanosta Hubertus Ryčer Gmejnski zarjad Při Marijinej studničce 8 01920 Róžant Tel.: 035796/96832 Faks: 035796/96833 Mejlka: gemeinde@ralbitz-rosenthal.de Internet: www.ralbitz-rosenthal.de Towarstwa su za wobsah svojich stronow same zamołowite.</p>	<p>Redakciski kónc za wudaće nalětnika 2025: 14.02.2025 Prošu zapodajće wšitke přinoški za nowinu z mejlku na: gmejska.nowina@gmx.de Online-wudaće gmejskeje nowiny pod: www.ralbitz-rosenthal.de</p>														

**Gratulujemy všitkim rentnarkam a
rentnarjam našeje gmejny k narodninam a přejemy krutu
strowotu a Bože žohnowanje!**



3. februara	Wolfgang Maywald	Šunow	70. narodniny
11. februara	Gudrun Clausowa	Šunow	70. narodniny
16. februara	Borbora Mrózowa	Łazk	75. narodniny
22. februara	Křesćan Gruhn	Konjegy	70. narodniny
22. februara	Marija Jurkowa	Hrańca	70. narodniny
22. februara	Joachim Šnabl	Ralbicy	75. narodniny
28. februara	Weronika Narćikowa	Šunow	70. narodniny

**Tež všitkim njemjenowanym narodninarkam a narodninarjam přejemy
wjele zboža, strowotu a wosobinske derjeměće.**

Hamtske łopjeno online

Zarjadniski zwjazk „Při Klósterskej wodže“ wozjewja hamtske wozjewjenja wšěch gmejnow zarjadniskeho zwjazka wotnětka online jako Zhromadne elektroniske hamtske łopjeno. Tute steji pod www.am-klosterwasser.de k dispoziciji.

Přeprošenje k wolejbulowemu turněrej

Sobotu, dnja 8. měrcy 2025, wotměwa so wot 14.00 hodž. lětuši wolejbulowy turněr gmejnskich wohnjowych woborow wo pućowanski pokal wjesnjanosty. Zarjadowanje wotměje so w Ralbičan sportowej hali, wuhotowar je Sernjanska wohnjowa wobora. Wšitcy čłonojo wohnjowych woborow a na sporće zajimowani su wutrobnje přeprošeni!

Hubertus Ryćer, wjesnjanosta

Wukonjane džěła w gmejnje Ralbicy-Róžant w lěće 2024

Čežišćo wukonjanych džěłow běše w lěće 2024 w našej gmejnje twar dnjoweho přebywanišća w Ralbicach. Přebywanišćo ma so w měrcu 2025 na probu wotewrić a wobhospodarić. Paralelnje k tomu přewjeduja so, wotwisnje wot wjedra, twarske džěła na zelenišćach, parkowanišću a dróze k přebywanišću.

Serbska wyša šula je dnja 01.10.2024 2. powołanske wiki z 52 wustajerjemi přewjedła, kotrež žnějachu wulki wothłós mjez wustajerjemi, šulerjemi a hosćimi.

Za lěto 2024 planowane wobnowjenje asfalta na Křižerskim puću w Konjecach so wot 28.04.2025 přewjeduje.

W Šunowje přewjedže so přez BUND zhromadnje z gmejnu naprawa „Lebendige Ufer“ při hrjebi w Šunowje z wosadženjom pobjohow. Chłódk štomow a kerkow ma tomu přinošować, zo we wodže mjenje rohodže a podobneho rosće. Tak ma so lěpše wotwódničenje z mjenje nałożowanej prócu zaručić. W ramiku swjedženja sadženja maja so 15.03.2025 hišće dalše rostliny sadzić. Wšitcy su k tomu wutrobnje přeprošeni.

Za wohnjowu woboru kupištej so trěbne wuhotowanje a drasta.

We wšěch wjesnych džělach našeje gmejny so zwučene hladanske naprawy nastupajo hrajkanišća, dróhi, kanale, wodžizny a druhe džěla wukonjachu.

Přez Swobodny stat Sakska bu asfalt na statny dróhach S 101 mjez Nowoslicami a Rakecami, na S 92 mjez Smjerdžacu a Debricami a na S 97 mjez Sernjanami a Němskimi Pazlicami wobnowjeny.

Tež w nadawku Budyskeho Krajneho zarjada dóstachu Sernjany přizamknjenje na spěšny internet.

Bohužel njemóžachu so dla falowacych finančnych srědkow a přiražkow wšitke planowane naprawy realizować.

Hubertus Ryčer, wjesnjanošta

Gemeinsam anpacken – gemeinsam lebendige Ufer gestalten!

Pflanzfest am Schönauer Flutgraben

Zusammen mit der Gemeinde Ralbitz-Rosenthal lädt der BUND Sachsen zu einem großen Pflanzfest am Schönauer Flutgraben im Ortsteil Schönau ein. Gemeinsam wollen wir das Gewässer mit der Pflanzung von heimischen Bäumen und Büschen naturnah gestalten und so ein ökologisch wertvolles und erlebbares Gewässer schaffen. Eine Beschattung hat viele Vorteile für den Bach – Verkrautung und Verschlammung können verhindert und der Pflegeaufwand in der Unterhaltung somit reduziert werden. Außerdem freuen sich auch die Tiere und Pflanzen im Bach über angenehm kühle Temperaturen im Sommer!

Helfen Sie mit bei der Pflanzung des Schönauer Flutgrabens!

Eingeladen sind alle von Jung bis Alt!

Punsch und leckere Speisen sorgen für die nötige Stärkung.

Wir bitten um eine Anmeldung bis spätestens 4. März 2025

julia.becher@bund-sachsen.de

Kontakt

BUND Landesverband Sachsen e.V.
Bernhard-Göring-Straße 152
04277 Leipzig
Tel.: 0341 862 678 73
Mobil: 0177 599 055 5

julia.becher@bund-sachsen.de



www.bund-sachsen.de/schoenau

Impressum: Bund für Umwelt und Naturschutz Deutschland (BUND)
Landesverband Sachsen e.V., Straße der Nationen 122, D-09111
Chemnitz Text: Almut Gaisbauer & Julia Becher Foto: Martin
Jehnichen Druck: dieUmweltdruckerei Gestaltung: Laëtitia Otal
Ausgabe: 2024 Auflage: 200 V.i.S.d.P: Almut Gaisbauer

Swjedzeń sadženja wotměje so dnja 15. měrca 2025 wot 10.00 do 16.00 hodź. w Šunowje (Fabrikska 17).

Am Marienbrunnen 8
01920 Ralbitz-Rosenthal

Telefon: 035796 / 96-832

E-Mail: gemeinde@ralbitz-rosenthal.de



Při studničce 8
01920 Ralbicy-Róžant

Telefax: 035796 / 96-833

Internet: www.ralbitz-rosenthal.de

**Na kameradki a kameradow
dobrowólneje wohnjoweje wobory
gmejny Ralbicy-Róžant**

Róžant, 16.01.2025

Přeprošenje
**na hłownu lětnu zhromadźiznu wohnjowych woborow gmejny Ralbicy-Róžant z wólbami
nawody gmejskeje wohnjoweje wobory a jeho naměstnika**

Přeprošuju wutrobnje wšěch aktiwnych člonow dobrowólnych wohnjowych woborow gmejny Ralbicy-Róžant k wólbam nawody gmejskeje wohnjoweje wobory a jeho naměstnika

sobotu, dnja 08.03.2025 we 18:00 hodź.

do sportoweje hale Serbskeje šule w Ralbicach.


Wólbokmani su wšitcy aktiwni člonjo dobrowólnych wohnjowych woborow gmejny Ralbicy-Róžant.

Namjety za kandidatow z rjadu aktiwnych člonow a člonkow móža so **hač do 17.februara 2025** pisomnje na gmejnskim zarjedže w Róžeńce, Při Marijinej studničce 8 abo z mejlku pod gemeinde@ralbitz-rosenthal.de zapodać.

Dnjowy porjad

- Rozprawa nawodow a naměstnikow wjesnych woborow
- Rozprawa nawody gmejskeje wohnjoweje wobory
- Wuhódnoćenje lěta přez wjesnjanostu
- Powyšjenja a počesćenja
- **Wólby nawody gmejskeje wohnjoweje wobory a jeho naměstnika**

Prošu wo wobdźělenje wšěch kameradkow a kameradow.


Hubertus Ryćer
wjesnjanosta

Rěčne hodźiny / Sprechzeiten:
štwórtk / donnerstags 13:00 hodź – 18:00 hodź
Rěčne hodźiny wjesnjanosty /
Sprechzeiten des Bürgermeisters:
štwórtk / donnerstags 15:00 hodź – 18:00 hodź

Zwonka tutech časow /
Außerhalb dieser Zeiten:
Telefon: 035796 946-10
a po dorěčenju / und nach Absprache

Banka / Bankverbindung
Ostsächsische Sparkasse Dresden
IBAN: DE85 8505 0300 3000 0111 79
BIC: OSDDDE81XXX

Am Marienbrunnen 8
01920 Ralbitz-Rosenthal

Telefon: 035796 / 96-832
E-Mail: gemeinde@ralbitz-rosenthal.de



Při studniče 8
01920 Ralbicy-Róžant

Telefax: 035796 / 96-833
Internet: www.ralbitz-rosenthal.de

Stellenausschreibung Mitarbeiter Bauhof und Hausmeister für kommunale Objekte und Liegenschaften

Die Gemeinde **Ralbitz-Rosenthal** schreibt zum **01.08.2025** eine Stelle eines Mitarbeiters als Gemeindearbeiter (m/w/d) für den kommunalen Bauhof und Hausmeister für kommunale Objekte und Liegenschaften unbefristet in Vollzeit aus.

Das Aufgabengebiet umfasst folgende Tätigkeiten:

- Durchführung von typischen Hausmeistertätigkeiten und Bauhofleistungen, wie beispielsweise die Pflege der öffentlichen Grünanlagen und Spielplätze, Unterhaltung öffentlicher Wege, Plätze und Straßen, Winterdienst, Gewässerunterhaltung, Rad- und Wanderwege, Baumpflege
- Durchführung von Instandhaltungs- und Ausbauarbeiten an kommunalen Objekten, Anlagen und Einrichtungen sowie am kommunalen Straßennetz/Kanälen
- Wartung, Reparatur und Pflege der Fahrzeuge, Maschinen und Geräte
- Führung von Wartungsbüchern und Überwachung von Wartungszyklen der Betriebsanlagen in kommunalen Gebäuden (Grund- und Oberschule)
- Unterstützung bei der Vorbereitung und Durchführung kommunaler Veranstaltungen

Voraussetzungen:

- eine abgeschlossene Berufsausbildung im handwerklichen oder handwerksähnlichen oder technischen Bereich
- mehrjährige praktische Berufserfahrung
- berufliche Erfahrungen im Straßen-, Tief-, Hoch-, Innen- oder Ausbau
- ausgeprägte handwerkliche Fähigkeiten, Geschick und technisches Verständnis
- Erfahrungen, sichere und fundierte Kenntnisse im Umgang mit Bau- und Pflegemaschinen, Geräten und Werkzeugen, z. B. Bagger, Minibagger, Radlader, Traktor, Transporter, Mähwerke, Winterdiensttechnik sowie Kleinmaschinen
- Berechtigung zum Führen von Fahrzeugen der Klassen B/BE, T, CE und Kettensägeschein
- Belastbarkeit und gesundheitliche Eignung für überwiegend körperliche Arbeiten im Außenbereich
- Verpflichtung zur aktiven Mitgliedschaft in der Freiwilligen Feuerwehr der Gemeinde Ralbitz-Rosenthal
- bei Arbeitsaufnahme die Vorlage eines aktuellen Führungszeugnisses
- sorbische Sprachkenntnisse sind wünschenswert

Wir erwarten:

- eigenverantwortliches Arbeiten
- hohe Einsatzbereitschaft, Organisationstalent, Eigeninitiative, Konfliktfähigkeit, Gewissenhaftigkeit und gute Auffassungsgabe
- Flexibilität, Zuverlässigkeit, Belastbarkeit, Teamfähigkeit und Leistungsbereitschaft sowie die Bereitschaft zur Arbeitsleistung auch außerhalb der üblichen Dienstzeiten (z. B. an Wochenenden und Feiertagen inkl. Rufbereitschaft, Winterdienste, gemeindliche Veranstaltungen, Havarien usw.)

Wir bieten:

- einen attraktiven, verantwortungsvollen, interessanten und abwechslungsreichen Arbeitsplatz
- die Eingruppierung je nach Qualifikation und persönlichen Voraussetzungen
- Entlohnung gemäß Tarifvertrag TVöD
- Leistungsentgelt als Sachbezug
- Urlaubsanspruch von 30 Tagen

Schwerbehinderte werden bei gleicher fachlicher und persönlicher Eignung und Befähigung besonders berücksichtigt.

Bitte richten Sie eine aussagekräftige schriftliche Bewerbung mit den entsprechenden Unterlagen, gerne per E-Mail, bis zum 07.03.2025 an die

Gemeinde Ralbitz-Rosenthal
Bewerbung: Bauhof/Hausmeister
Am Marienbrunnen 08
01920 Ralbitz-Rosenthal
E-Mail: gemeinde@ralbitz-rosenthal.de

Zur Beantwortung Ihrer Fragen stehen wir Ihnen gerne zu den Sprechzeiten zur Verfügung. Eine rechtzeitige vorherige Terminvereinbarung ist erforderlich.

Es wird darauf hingewiesen, dass Sie mit der Einreichung Ihrer Bewerbung gleichzeitig Ihr Einverständnis zur elektronischen Verarbeitung und Speicherung Ihrer persönlichen Daten bis zum Abschluss des Bewerbungsverfahrens erteilen.

Dobrowólna wohnjowa wobora Ralbicy-Róžant



Lětna statistika k zasadženjam 2024

Zasadženja dohromady:	15		
wohenje	8	z toho	4 x woheń wotpadkow 1 x woheń šćěpowca 1 x lěsny woheń 1 x woheń na dworje za hódnotne maćizny 1 x woheń bróžnje
techniska pomoc	6	z toho	2 x škody přez njewjedro / štomy na dróze 1 x wobchadne njezbožo 1 x wosoba w nuzy 1 x wotewrjenje durjow 1 x pomoc při njesenju
mylne zasadženje	1	z toho	1 x wopačny alarm wohnjoalarmoweje připrawy

Dohromady běše gmejnska wohnjowa wobora Ralbicy-Róžant z jeje pjeć wjesnymi wohnjowymi woborami 15 króc ze 140 čłonami při horjeka mjenowanych přiležnosćach zasadžena. Cyłkownje nałożowany čas wučinješe 180 hodžinow.

Tuta statistika wobsahuje woprawdže nałożowany čas. W pjeć wjesnych wohnjowych woborach so dalše hodžiny w formje wukubłanjow a dalekubłanjow absolwowachu.

Chcu so na tutym městnje wšěm kameradkam a kameradam, wšěm podpěračelam a sponsoram a swójbam wobornikam cyle wutrobnje dżakować. Jenož z jich podpěru móžachu so zasadženja wuspěšnje přewjesć a so někotre předewzaća jednotliwych woborow realizować.

Michał Maywald
nawoda gmejnskeje wohnjoweje wobory

Ze sportom a wědomosću zhromadnje za přichod we Łužicy

Kónc zašeho lěta zetkachmy dr. Stefana Ohma a dr.-ing. Larsa Haupta Němskeho centruma za astrofyziku, zo bychmy zhromadnje do přichoda hladali.

Na internetnej stronje DZA (www.deutscheszentrumastrophysik.de), kotraž je tež w serbskej rěči přistupna, je derje zjimane: „Zo móža so sport, čestny hamt a wědomosć hromadže za region zasadzić, je zetkanje mjez DZA a zastupjerjemi DJK Sokota Ralbicy / Hórki pokazało.

Prěni kontakt, kotryž nasto při 3. grilowanju w Konjecach, móžeše so přez přeprašenje towarstwa na městnje w stadionje ›Jurij Frenck w Ralbicach pohłubšić. Zhromadnje z Dierkom Šewcom (prezident DJK), Sebastianom Mieršom (čestnohamtski trenar młodžiny) a Dawidom Statnikom (předsyda Domowiny) smy so wo móžnych kooperacijach wuměnili. Towarstwo kaž tež DZA stej sej swojeje socialneje a towaršnostneje winowatosće wědomej. Nimo toho zjednoći wobaj cil, towaršnosť přez radosć, pilnosť a zahorjenosć pozitiwnje wobohaćić.“




Dierk Šewc, DJK

foto: Dierk Šewc

Halo dźěći ze Smjerdžaceje a wokoliny!

**Wašu póstničku swjećimy njedźelu, dnja 02.03.2025,
w Kulturnym domje w Smjerdžacej!
Spočatk: 15:00 hodź.!**

**Waši přećeljo su wutrobnje witani!
Mamy zaso tykanc a za dorosćenych tež kofej!
Wo dalše čělnje derjeměće je postarane!**



ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Wulki rózka a mały rózka 2025
30. lětnik, 290. wudaće

Politika pola nas: Interview z wjesnjanošću

Dnja 7. nowembra 2024 pře-
wjedźechu šulerjo a šulerki
8. lětnika Serbskeje wyšeje šule w
Ralbicach w ramiku towaršnowědy
rozmołwu z wjesnjanošću knjezom
Ryćerjom. Po witanju slědowaše
krótke teoretiski dźěl, w kotrymž
knjez Ryćer sebje a swójske
powołanske wuwice předstaji,



natwar a nadawki gmejny rozkładže a dohlad do swojeho dźěła jako wjesnjanoša
da. Nětko scěhowachu mnoho prašenjow ze stron šulerstwa. Mjez druhim běchu
šulerjo a šulerki zajimowani, hdže ma so w přichodže lutować, kotre konsekwency
ma nadměrne wudaće pjenjez w gmejnje a kak daleko je twar noweje pěstowarnje.
Nimo toho běchu dalše prašenja: Hdy ponowi so puć do Jitka? Kak dźělatej gmejna
a koparske towarstwo hromadže? Kak začuwa wjesnjanoša njespokojnosť
wobydlerjow w gmejnje a kak z tym wobchadza? Tute a dalše prašenja, kotrež
běchu so hižo we wučbje přihotowali, wotmołwi Hubertus Ryćer wěcownje a z
mnoho přikładami. Čas rozmołwy miny so spěšnje, tak zo zwosta snano te abo tamne
prašenje njewotmołwjene. Při tym maja so wosebje šulerjo a šulerki 8. lětnika za
prócu a přihot prašenjow chwalić. Wjeselimy so, zo je sej wjesnjanoša knjez
Ryćer čas wzał, wuknjacym prašenja wotmołwić a chcemy so na tutym měštnje
wutrobnje dźakować. Wučbny plan 8. lětnika ma komunalnu politiku a z tym

zwisowace problemowe rozestajenje kruće zaměstnjene. Džakowano wosobinskeje rozmołwy zhonja šulerjo a šulerki wjac wo aktualnej politice w swójskim wobswěće a móža so intensiwnišo z tym rozestajić. To je wažne k wutworjenju politiskeje zrałosće, kotraž je wobstatk fungowaceje demokratije.

- tekst a wobraz: Mathias Kliemank -

Wolejbulowy turněr znowa uspěšny

Druheho hodownika 2024 wotmě so kóždolětny adwentny wolejbulowy turněr w Ralbicach, na kotrymž so šulerjo wosmeho do džesateho lětnika, něhdyše džesatki, wučerjo a Sokolski team wobdžělichu. Po sćoplenju hrajerjow a narěči sportowych wučerjow započinachu so napjate hry. W běhu wječora zastara nas džesaty lětnik z jědžu a pićom w jědźerni. Nic jenož woni, ale tež zwonkastejacy kaž starši abo přećeljo su přišli, zo móhli mustwam při hraću přihladować a jich podpěrać. Turněr njebě jenož napjaty, ale tež chětro wučerpacy. Dokelž pak při hraću wjele wjesela mějachmy, smy so cyły wječor z połnym elanom na turněrje wobdžělili. Něhdže štyri hodžiny hrajachmy bule přez wolejbulowe saki, doniž njemóžeše knjez Bejmak zasluženyh dobyćerjow turněra wozjewić. Něhdyše džesatki dobychu lětsa třeće lěto za sobu adwentny wolejbulowy turněr tu w Ralbicach. Na druhim městnje běše team Sokół a třeće městno wudobychu sej naši wučerjo a naše wučerki. Turněr, na kotrymž so džesać mustwow wobdžěli, bu wot džesateho lětnika, knjeza Bejmaka, knjeza Zahrodnika a knjeni Manjapparra organizowany. Džakujemy so jim wutrobnje a skónčimy z mócnym: Sportej zdar!


- tekst: Jakub Barč -

Dohodowne zynki w cyrkwi

Pjatk, dnja 20.12.2024, podachu so w 11.00 hodžin wšitcy šulerjo a

wučerjo wyšeje šule do Ralbičan cyrkwe k

adwentnemu spěwanju. Kóžda rjadownja bě sebi serbski adwentny spěw wupytala a přenju štučku spěwała. Dokelž ležachu na kóždej ławce teksty spěwow, móžachmy dalše štučki zhromadnje spěwać. Tak zaklinčachu spěwy kaž



„Swěčka swěć nam w čěmnej nocy“, „Śćicha swjata Borbora“, „Adwentna hwězda jasnosće“, „Njebjo, zemja, raduj so!“ a dalše spěwy přez wšu Ralbičan cyrkej. Na kóncu pak mějachmy wjeršk našeho lětušeho adwentneho spěwanja. Wšitcy zhromadnje spěwachmy rjadownja po rjadowni hodowny spěw „Gloria in excelsis deo“. To klinčeše wulkotnje po našej swjatnicy. Wosebity džak słuša 10. lětnikej z wučerjomaj, kotřiž su spěwy připowědzili, so jako swjaty Mikławš a swjata Borbora zdrasćili a cyłkownje tute adwentne spěwanje organizowali. Bě to rjany wjeršk tutoho poslednjeho šulskeho dnja w lěće 2024.

- tekst: Jakub Barč -

Dzeń Walentina

Dzeń Walentina je poprawom kóždemu znaty. Ale sće poprawom wědzeli, čehodla je runje 14. februar dzeń lubowacych? W 3. lětstotku je Walentin lubowacych w

Romje tajnje křescansce zwěrowať.

To pak bě kruće zakazane, dokelž su so w tutym času křescenjo wěry dla přescěhowali (verfolgt). Dla swojich

skutkow wotruba so jemu 14. februara 269 hłowa. W lěće 469 zawjedže bamž Gelasius I. dzeń swjateho Walentina. Hdyž tutón dzeń z wašim lubuškom swjećiće, potom darujće sej černiki, šokolodu a dariki jako symbol lubosće. Njezabudźće pak tež na lube zbožopřeća.

žórto: <https://de.wikipedia.org/wiki/Valentinstag>

- tekst: Liska Markulec -

INFORMACIJE – TERMINY – WŠELČIZNY

14. małeho rózka

wudaće potlětnych informacijow

wot 17. do 28. małeho rózka

zymske prózdniny

wot 3. do 7. nalětnika

přizjewjenje do 5. lětnika

zbytne wobrazy: www.pixabay.de

Lajska dźiwadłowa skupina Šunow-Konjegy

przedstaja Wam
kriminalnu komediju

Překlepani rentnarjo wědźa sej pomhać!

Sobotu, 08.02.2025 17.00 hodź. w Nowoslicach*
Njedźelu, 09.02.2025 16.00 hodź. w Nowoslicach*

Sobotu, 08.02.2025, poskićuje so po předstajenju stódna wječerjeć.
Njedźelu, 09.02.2025, poskićujetej so wot 14.30 hodź. kofej a tykanc.

Skazanki přijimuja so pod 035796/96840 pola Dienerjec w Nowoslicach.
Prosy so wo předskazanje wječerje.

Sobotu, 08.03.2025 17.00 hodź. w Haslowje*
Njedźelu, 09.03.2025 16.00 hodź. w Haslowje*

Sobotu, 08.03.2025, poskićuje so po předstajenju stódna wječerjeć.

Skazanki přijimuja so pod 035937/83204 pola Bizoldec w Haslowje. Prosy so
wo předskazanje wječerje.

****ze simultanym přeložkom – mit Simultanübersetzung***